



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11-34-11386/20
Sarajevo, 04.05.2020. godine

SVIM SREDNJIM ŠKOLAMA

PREDMET: ČESTITKA POVODOM ZAVRŠETKA SREDNJE ŠKOLE

Drage naše maturantice i maturanti!

Pred svima nama svakodnevno je pitanje: „Da li smo svijet u kojem živite izgradili mjestom vaše sreće i zadovoljstva i da li smo vam otvorili puteve sretne budućnosti?“

Mogli smo više, trebali smo činiti bolje i biti dio vašeg bivstvovanja. Tako bismo vas bolje razumjeli. Vi ste nas u prethodnim danima naučili životne lekcije, lekcije kako da vašu budućnost učinimo mjestom napretka i snage za nove početke.

Dozvolite mi da vam se na ovaj način iskreno zahvalim što ste sve svoje zadatke obavljali strpljivo, razumno i nesebično, te koračali stepenicama ka vrhu vašeg životnog kolosjeka gdje vas očekuju novi izazovi. Želim vam poručiti da i dalje nastavite uspješno rješavati sve izazove i da svakog momenta budete svjesni da je obrazovanje ključ slobode.

U prethodnom školovanju, do slobode su vas vodili vaši učitelji, nastavnici i profesori. Bili su dio vaših puteva, vjetrova i nada. Njihovim nesebičnim zalaganjem za vaše znanje doveli su vas do te slobode, do trenutka kada odlučujete gdje ide svaka/svaki od vas, jer na to imate pravo.

Vaših učitelja je bilo nebrojeno mnogo, od prve dobrodošlice u školu, do svakog događaja i okolnosti koji su vas također učili životu.

Sve vas pozivam da sa svojih novih puteva i mjesta pomognete nama koji želimo i trebamo zajedno graditi bolji svijet za buduće generacije. To nam je obaveza, želja i smisao.

Hvala vam što smo od vas učili i što iz tog učenja ~~vama danas~~ poručujemo: „**Volite jedni druge, volite ljude i znajte da znanje rađa misli, misli zadovoljstvo, a zadovoljstvo sreću i slobodu.**“



MINISTAR

Anis Krivić
Mr. Anis Krivić



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-218
Fax: + 387 (0) 33 562-218

Sarajevo, Reisa Džemaludina Čauševića 1

